



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 20. Remedia contra iram.

[urn:nbn:de:hbz:466:1-48186](#)

premit instans à tergo vindicta. Postquam igitur ex oppido evasere, proximum fuit, ut varia sibi latibula queritarent. Alij diuersos maris portus petierunt; alij, apud fideliores amicos, sperarunt se consecuturos securitatem. Sed mali principij malus est finis. Illi, beneficio interiecti maris, suppicio, non exilio, se subduxerunt; isti, tam horribilis carnificinae rumore vulgato, perquisiti, plerique reperti, atque è latibulis extracti, in vincula dati, tormentis examinati, supplicijs meritis affecti, membratimque poena talionis deartrati concisisque sunt. Abscissa manus & praefecti pedes eorum, in tabula, quam intrantes oppidum, in turri supra portam, intuentur, suffixi, hominum oculis, in facinoris puniti exemplum, exponuntur, ut documentum omnium sint; & qui viui noluerunt prodeſſe, morte certè eorum Respublica utatur.

Exposui & ego hanc historiam, in exemplum, in quo, quid ira possit, graphicè demonstratur. Neque enim tantum effrane lingue, ora incustodita, contumelia, probra, verbera, & alia eiusmodi sunt ira. REMEDIA CONTRA IRAM. fructus; sed etiam, ut S. Basilius ait: ob iram, ensis acutitur, mors homini ex homine venit; non eis senectus venerabilis, non vita virtus, non generis propinquitas, non parentes. Quin & maximum se in malum sapientes coniuncti, & studio vindicandi seipſos negligunt. Nam & omnifera venenata impudentius ruunt; nec prius desistunt, quam magno & intolerabili malo animum exatiarint. Membrorum mutilationes, vulnera, mortes, premium pugna ferunt. Sicut tulerunt isti, qui, quod alijs fecerunt, passi sunt. Nam membratim concisi, in sublimi tabula penderunt, & sole adusti, ob altitudinem turris, inscijs tragœdiæ illius, visi sunt esse vespertiliones. Veri sanè vespertiliones, quia vespere, immo nocte visi sunt, ut in alienas ædes & neces inuolarent. At quid cum vespertilionibus hos comparo? qui feritate atque immanitate superant leopardos? Homine, dum in recto animali habitu est, nihil est mitius; cum ira vincitur, nihil crudelius, infestius nihil. Homo in auditorium mutuum generatus est: ira in extitum. Hic congregari vult, illa discedere: hic prodeſſe, illa nocere: hic etiam ignotis succurrere, illa etiam charissimos petere: hic aliorum commodis vel impendere separatus est: ira in periculum, dummodo ducat, descendere; immo descendere in omnem barbariem ac furorem; adeò ut nemo tam humilis sit, qui poenam vel summi hominis sperare

XX.

REMEDIA
CONTRA
IRAM.S. Basil. hom.
10. de ira.Vide Plutar-
chi libellum
de cohibenda
ira.Senec. lib. I.
de ira c. 5.

non audeat. ad nocendum enim potens est, quisquis non amplius timet, præ ira, ne sibi noceatur; quæ ita perturbat, vt iratus quæ noceat tantum, non quæ caueat, aspiciat. Quin superat belluam, qui furore efferratur; vt olim videre fuit, in Locrensisibus, qui iniuria publica affecti, de vxore & liberis Dionysij iunioris atrocissimè se se vindicauerunt. Etenim cum, miris modis, in eos sauijssent, tandem contumeliarum numero fatigati magis, quam satiati, acibus intra vngues & carnem digitorum insertis dirissimo puncturum cruciatu, eos interemerunt. Postea, consciissa minutatim carne, & ossibus occisorum in mortario contusis, eos omnes Diris devouerunt, qui non aliquid inde gustauissent. Quidquid supererat, in pistrinum tulerunt, vt molis obtritum, ab ijs, qui fruges molebant, deuoraretur. Vides rabiem carniuarum belluarum? Sat nobis causæ esset, ad iræ detestationem, quod ex homine bestiam faciat; sat vt citò atque in principijs suis extinguitur, antè, quam indomita fiat, sicut incendium, quod leui tactu potest impediri, si in scintilla sopiatur. Quia *hac est natura iræ*: ait Venerabilis Beda, *ut dilata langescat, & pereat: prolata verò magis ac magis conflagret.*

Athenæ I. 12,
diplos, c. 19.

Venerab. Be-
da lib. 2. su-
per Parab.

Maxim. serm.
19.

Ephes. 4. 26.
S. Augustin.
ep. 100 ad
Profuturam.

Nempe quemadmodum nauis ventis agitata Ponte submergitur, nisi eam gubernator, sua industria, regat; sic iracundia hominem, ad deterrima quæque rapit, nisi ei ratio frenum iniiciat ac moderetur. Sapiens est igitur præceptum, vt si ira subito nobis erumpit, non satis vigilantibus, saltem eam diutiùs souere, ac retinere caueamus. Recte ex Euripide tradidit Maximus monachus: *sicut corpus nostrum mortale est: sic conuenire, vt iram habeat mortalem is, qui temperantia vti nouerit.* Hinc Apostolus scripsit: *Sol non occidat super iracundiam vestram. Nolite locum dare diabolo.* Et S. Augustinus ait: *Subrepit, dum nulli irascenti ira sua videtur iniusta: ita enim inueterascens ira fit odium, dum quasi insti doloris admixta dulcedo diutiùs eam in vase detinet, donec totum acefcat, vasq[ue] corrumpat.* Quapropter multò melius nec iuste cuiquam irascimur, quam velut iuste irascendo in alicuius odium ira occulta facilitate dilabimur. In recipiendis enim hospitiis ignotis, ista solemus dicere, multò esse melius, malum hominem perpeti, quam forsitan per ignorantiam excludi bonum, dum cauemus, ne recipiatur malus. Sed in affectibus animi contra est. Nam incomparabiliter salubrius est, etiam ira iusta pulsanti non aperire penetrale cordis.

le eordis, quam admittere non facile recessuram, & peruenturam defusculo ad trabem. Audet quippe impudenter etiam crescere citius, quam putatur. Non enim erubescit in tenebris, cum super eam sol occiderit. Et memoria quo diuturnior, eo firmior est iniuriarum. Hinc Iustinianus à Leone regno motus & naribus truncatus, recepto impevio, quoties defluentis rheumatis guttam manu detersit, toties aliquem ex ijs, qui partes aduersarij, contra illum, secuti fuerant, præcepit iugulari. In vultu habuit lesionis monumentum, ea de caussa non potuit offensæ obliuisci. Quid fieret, si Christus ita nobiscum age-ret, qui manibus pedibusque & ipsis etiam pectori suo identidem videt inscriptas cicatrices? & quidem nostra immanitate inscriptas?

PARS QUARTA.

NON inscitè veteres finxerunt tres Furias, tortis anguis, crinium loco, incinctas,

Eumenides, quibus anguineo redimita capillo

Frons expirantis præportat pectoris iras.

Siquidem è crinibus, de cauda equina, aut cæsarie anus abruptis, vel lapsis, aiunt, angues, aut anguillas nasci, si in aquam stagnantem injiciantur, ac sublime putrescentes intumescaant. Sed multò verius hæc moribus accommodantur. Quippe, etiam in diuinis litteris, capilli significant hominum cogitationes, quæ iratae si persistant, in serpentes degenerant, & virulenta consilia solent generare. Eiusmodi consilia ostendimus, in exemplis satis truculentis, in quibus utique faciem sanguine madefactam, fluidoque cruore subentem pallam gestat Erinnys, quam:

luctus comitatur euntē;

Et panor, & terror, trepidog, insania vultu.

Sunt enim irâ flagrantes terribiles; vulnera & mortes serunt, & in totas sæpe familias, immo in suam gentē luctū inferunt. Quemadmodum Cambyses fertur furijs incensus vniuersam prope familiā deleuisse. Qua de caussa metuuntur. Sed metuuntur ab ijs, qui in Christi schola nondum didicerunt vitam contemnere. Christus aliter docuit, cum dixit: Nolite timere eos, qui occidunt corpus, animam autem non possunt occidere: sed potius timete eum, qui potest & animam, & corpus perdere in gehennam. Certe multò æquius est, hunc

XXI

IRATVS FV-

RIAE SIMILIS;

Catull. de

nupt. Pelej

& Thet.

Ouid. lib. 43.

Metam.

Herodot. in

Thalia.

Matth. 10. 18